

RRITEN PAKËNAQËSITË NË LIPJAN NDAJ VEPRIMIT TË KËSHILLTARËVE KOMUNALË

Shoqëria civile do anulimin e vendimit për laptopët e këshilltarëve

Arian Duriqi

LIPJAN, 2 MAJ –Pakënaqësitë lidhur me veprimin e këshilltarëve komunalë të Lipjanit për të pronësuar laptopët e paguar me para të taksapaguesve po rriten. Ndërsa të mërkurën shoqëria civile e kësaj komune ka kërkuar nga kryesuesi i KK-së, Lulzim Rrustemi, anulim të këtij vendimi. Bekim Krasniqi, udhëheqës në asociacionin rinor për të drejta të njeriut (YAHR), ka thënë se gjatë ushtrimit të funksionit publik zyrtarëve të lartë u ndalohen me ligj këto veprime. Ai ndër të tjera i ka shkruar edhe një letër të hapur kryesuesit të Kuvendit për anulim vendimi për laptopët. Vendimi është gjykuar të jetë plotësisht në kundërshtim me ligjin Nr. 04/L-051 për parandalimin e konfliktit të interesit në ushtrimin e funksionit publik neni 6, neni 7.1, neni 7.5, neni 7.7 dhe neni 7.8. Një veprim i tillë, ndërkaq, sipas ligjit është i ndaluar për zyrtarët e lartë në bazë të dis-

pozitës ligjore të këtij ligji në fjalë në nenin 9, ku thuhet: Gjatë ushtrimit të funksionit publik zyrtarit të lartë i ndalohen këto veprime: të ndikojë në vendimarrje të organeve legjislative, gjyqësore apo ekzekutive duke shfrytëzuar pozitën e zyrtarit me qëllim të përfitimit personal, apo të personave të afërt apo të besueshëm. Dhe, bazuar në këtë ligj, Krasniqi (YAHR) ka kërkuar anulim vendimi nëpërmjet letrës së drejtuar për kreun e KK-së. “Kërkojmë nga kryesuesi i Kuvendit të deklarohej se ky vendim nuk është i plotfuqishëm, së pari për shkak të shkeljes së Rregullores komunale për funksionimin e punës së KK-së e pastaj edhe që është në kundërshtim me ligjin Nr. 04/L-051 për parandalimin e konfliktit të interesit në ushtrimin e funksionit publik. Në të kundërtën YAHR me qëllim të mbrojtjes së parasë publike të taksapaguesve të Lipjanit do t’u drejtohet institucioneve përkatëse që janë

në funksion të mbrojtjes së ligjit”, ka thënë Krasniqi. Në mbledhjen e fundit të KK-së, të gjithë këshilltarët e Lipjanit është gjykuar se patën votuar jashtëligjshëm, duke shndërruar kështu asetet komunale, në këtë rast laptopët në pronësi të veten personale me vlerë prej 15 mijë eurosh. Ndërkohë që, vetë kryesuesi i KK-së, Lulzim Rrustemi, ka premtuar se do të analizohet edhe një herë nga kompetentët e KK-së ky vendim, mirëpo ka shtuar se Kuvendi ka të drejtë që të shtrojë për votim edhe propozime që vijnë jashtë rendit të ditës, siç ka ndodhur rasti me laptopët. “Gjithsesi se do të ulemi që të bëjmë edhe një analizë për këtë punë, por laptopët janë një material shpenzues dhe për këtë arsye kemi shkruar në votim. Kuvendi ka qenë komplet në sallën e KK-së, është dhënë një propozim nga këshilltarët dhe është votuar për këtë çështje që ka marrë mbështetje të plotë”, ka thënë Rrustemi.

Me
putG
ka
kaf
uzu
të
sht
lok
rrit
në
Gjil
tas
kar
nëp
do
vajt
like
drej
ven
prit
të p
hur
like